

الوقت فات

ديوان شعر بالعامية

الطبعة الأولى

2020م - 1442هـ

ديوان العرب

للنشر و التوزيع



ملحوظة: حقوق الطبع جميعها محفوظة للمؤلف

عنوان الكتاب: الوقت فات

اسم المؤلف: سامي فتحي

التصنيف الأدبي: ديوان شعر بالعامية

رقم الإيداع: 2020 / 19155

الترقيم الدولي: 9 - 63 - 6830 - 977 - 978



تصميم الغلاف: د. محمد وجيه

التدقيق اللغوي: د. هبة ماردين

التنسيق الداخلي: د. محمد وجيه

رقم الطبعة: الطبعة الأولى

المدير العام: د. فادية محمد هندومة

دار ديوان العرب للنشر والتوزيع - مصر - بورسعيد

جوال: 00201211132879

البريد الإلكتروني: mohamedhamdy217217@gmail.com

حقوق الطبع والنشر لهذا المصنف محفوظة للمؤلف، ولا يجوز بأي صورة إعادة النشر الكلي أو الجزئي، أو نسخه أو تصويره أو ترجمته أو الاقتباس منه، أو تحويله رقمياً وإتاحته عبر شبكة الإنترنت، إلا بإذن كتابي مسبق من المؤلف أو الناشر.





الوقت فات

ديوان شعر بالعامية

سامي فتحي





إهداء

إلى زوجتي الشاعرة/ سارة حجاج

أبنائي/ حنان وولاء وأحمد

والشاعر/ عبدالسلام منصور

ولكل قرائي الأعزاء

سامي فتحي

الوقت فات

الوقت فات
حتى السنين
والذكريات
ويّا الحنين
عمري وعمرك
كانوا حكايات
وليه بتبعد
بيننا المسافات
حتى المشاعر
طالعة آهات
الوقت فات
حتى السنين
والذكريات
أحكي ياعمري

أصل الحكاية
شمسي وقمري
ضحكي وبكايا
عشته معاكي
عشتيه معايا
وراح وراحت
والغربة ناحت
مافضلشي غير
همس الأنين
وجع السُّكات
الوقت فات
حتى السنين
والذكريات
ويّا الحنين

حلمي بيكبر

حلمي بيكبر
أكبر وأكبر
وأنت معايا
شوقي بيكبر
أكثر وأكثر
ويّا هوايا
ومعاك بعيش
مايهمنيـش
أرسم هواك
بكره حكاية
ماتنتهيـش

شوقي وحلمي
إزاي يا حبيبي
أوصفه
مين في البشر
يقدر
يفهمه أو يعرفه
أنا حلمي أكبر
من شوقي ليك
وشوقي أكثر
وأنا بين أيديك
عشت أمبارح
والجي بيك
وف خيالي



وف الحقيقة
إني في لحظة
يا حياتي
ألتقيك
أُنسى الدنيا
وأُنسى الناس
وأفتكر
بَصّة عينيك
حلّمي بيكبر

اتواعدنا

اتواعدنا

يوم ما جيت

اتواعدنا

خلاص نسيت

اتواعدنا

يوم ما جيت

لما وياك

ابتديت

لما خطينا ورسمنا

بأديننا أحلى

بيت

اتواعدنا واتعاهدنا

ولا ايه

خلاص نسيت

اتواعدنا يا حبيبي

اتواعدنا

لوبيعدنا

والفراق لو مرة

جانا

ف يوم وخذنا

نفتكر لحظة

لقانا

والورود

ف عيد ميلادنا

اتواعدنا

كل لحظة

معاك ميلاد

مهما تبعدنا

البلاد

هاتلاقيني

جنب منك

يا حبيبي

في المعاد

من غير معاد

وافكرك

يوم ما اتواعدنا

اتواعدنا

اتقاسمنا

واتقاسمنا

قسمة قسمة

اتقسمت

وكل كلمة

فوق شفافه

اتبست

واتقاسمنا

أحلام لبكره

وننسى ذكرى

أتألمت

اتقاسمنا

غنوة حلوة

دنيا ثانية

من هوانا

اتعلمت

اتقاسمنا

الشوق محبة

دنيا فيها

احنا الأحبة

واتقاسمنا

الحنان حنان

والدنيا

احنا

والشوق مكان

حتى قسوة

الزمان

يوم ما شافتنا

سلمت

اتقاسمنا

ورجعنا تاني

ف الهوى

نرسم أمانى

في دنيا

تانية

احنا سوا

أجمل أغاني

قولنا فيها

كثير كلام

عشنا فيها

أحلى غرام

أنا وأنت

تاني يا حبيبي

الدنيا لينا

اتبسمت

اتقاسمنا

يا سفر خدني

خدني يا سفر

خدني

وديني لأحبابي

لا حد ييعودني

ولا دق

يوم باي

خدني ووديني

أنا دبت

ف حنيني

في البعد

ضاع مني

العمر وسنيني

ولا شيء

ينسيني

إلا دموع عيني

والهم دويني

خدني

ياسفر خدني

ياسفر خدني

ياسفر

وديني أراضيهـم

أشوف بعيني

القمر

وابكي وأرضيهـم



وأعيش ليالي

السهر

ويّا الحبيب فيهم

وتعود

ليالي زمان

والسعد يوعدني

خدني

يا سفر خدني

صفحة

ودي صفحة

مالماضي طويتها

أرجوك يازماني

تاني هاتها

هيه

أيامي وحبيتها

هيه

أحلامي وحسيتها

طول عمري

عاش

في سطورها



ما بين

الساقية

وبين تورها

لوهنسى

العالم

وقساوته

لكني

ولا لحظة نسيتهما

هاتها

الطريق

هواه

الطريق هواه

دائماً

واخذني معاه

توهني

وعني تاه

أنا لسه

ماشي في الطريق

إنسان برىء

دائماً بيسأل

عالنهاية

وابتدت

امتى الحكاية

لسه حيرتي

لسه صورتي

طاله

من كسر المرايا

طفل صغير

عمال يدور

عالبداية

طفل مجهول

النهاية

لا البداية

طريق امشي

ولا الحكاية

كلام محكيه

رحلة وغربة

وفين اداريه

عمري الضايح

بين أمانيه

عمري الضايح

فين ألاقيه

أنا انتهيت

وأنا لسه

ماشي

والطريق

هوه هوه



مانتهاشي

حتى الأمل

لو يوم

ما جاشي

حاتني ماشي

عالطريق

إنسان برىء

دايماً يسأل

عالنهاية تنتهي امتي الحكاية

ولا دمعة

جرحك جرح

خد أفراح

عاش في سني

بكا ونواح

ولا دمعة

جرحك جرح

يوم أفراحي

عاش في حياتي

ليلي صباحي

جرح وجرح

سني الفرح

باتت أحزان

حتى الذكرى

عائشه لبكره

مع الحرمان

صوره مرسومة

آها مكتومة

ف كل مكان

حتى شبابي

دبل علي بابي

بقي جوه كتابي

سطور منسية

فيها جراحي

جوه أفراحي

ببكاي ودمعي

ونواحي

ولا كلمه فيها

مقريه

كل أيامي معاك

يا زمان

سحابة صيف

فيها الكذب

كثير ألوان

فيها الورد

لما الشرذ

وليل البرد

مرعليه

أسمر وبان
جرح وجرح
سنين الفرح
بقت أحزان
حتي غرامنا
دايماً يألماًنا
وكل كلامنا
عتاب وحساب
وإن الشمس
إن طلعت يوم
على المحروم
عمرها ماتدوم
يقابلها سحاب

الأيام
سحابات وغيوم
والأحلام
مليانة هموم
يبقي ازاي
العشرة تدوم
ولا دمة

ليه حروفي

دايماً حروفي

ساكنها خوفي

ماليها صمتي

على قد شوفي

أنا ليه

حروفي

كده ضايعة

مني

والكلمة أقولها

ليه

غصب عني

ياحروفي ليه

تتألّمي

وجوه مني

بتعلمي

ايه ياحروفي

اتكلمي

ومن آلامي

اتعلمي

رصي كلامي

وارسمي

دنيا تانية

واحلمي

بيكره أحلى



اتنغمي
وعلى الي فات
انسي السكات
واياك أشوفك
تتندمي
ليه يا حروفي

الأيام

الأيام

سرت فرحتنا

سرت أحلامنا

وجرحتنا

والليالي يا حبيبي

استكترت

علينا الفرح

ف ضحكنا

يوم حبيننا

بالأماني

والأغاني

نحكي للدنيا
حكايتنا
كنا أنا وأنت
كنا الدنيا
وأحلى مافيهها
كنا البسمة
في نور لياليتها
كنا الكلمة
الي ف غناويها
اسمك
رسمك
صورتك عمري
ف يوم

ماداريها

كنا أنا وأنت

نبض

مشاعر

كنت الكلمة

وكنت الشاعر

كانت بينا

أحلى مشاعر

كنت أنا وأنت

كتاب صفحاته

ف لون الفل

يشهد علينا

الضي

يشهد علينا

الضل

كنت القمره

لما تهل

كنت نجوم

السما بتطل

كنت أنا وأنت

ولا شيء

يجمعنا

إلا الحس

كنا أنا وأنت

أنت وبس

وكل الدنيا

أسكت هس
كنت أنا وأنت
صيف يجمعنا
يبقى ربيع
لوضاعت
أحلامنا نضيع
ترجع تاني
يصبح كوني
جميل وبديع
كنا أنا وأنت
كتاب مقفول
شرحه يطول
ساعة معايا



ساعة مشغول

ساعة ف هوايا

تحكي تقول

كل كلامك

شيء معقول

كنا أنا وأنت

بيان الصمت

جوه بيان

الصمت بيان

ساكن جوه الفرح

أحزان

جوه بيان الصمت

حكاية

لا بداية ليها

ولا نهاية

أحجار الصمت

اتكلمت

والسكة ماليها

اتعلمت

رايحة جاية

اتندمت

دمعة في عيني

اتبسمت

الآهة صرخت

عدم

والدمعه آهة

ندم

والكلمة كلمة

ألم

جوه يبيان الصمت

شوارع

مادنة وجامع
ولا نيش سامع
برحل وارحل
وارجع راجع
تطردي الشوارع
تطردي البيوت
وتزهر وتكبر
غصون العنكبوت
والصمت يعلى
يعلى
ويسير ألف صوت
لكني
من تاني

أعود

زي عود

مكسور

بترميني الحدود

ألقى

الحياة اتغيرت

حق الشراع

اتكسرت

وألّف حيرة

اتحيرت

وألقي نفسي

اتخرجرت

أدخل جامع

ولا نيش سامع

وارجع راجع

أدخل شارع

ألقي يبيان

الصمت يبيان

وألقي مكاني

غابة بيسكنها

الغربان

الطريق اللي ابتديته

الطريق

الي مشيته

والي معاك

كنت ابتديته

والكلام يا حبيبي

الي ياما

كتير حاكيته

كل شيء

خلاص يا عمري

خلاص نسيته

كان الطريق

مليان دموع
ولا مرة قادت
جواه شموع
ضيعنا فيه
ولا فيش رجوع
والفراق
الي انكتب
في يوم علينا
جواك قريته
الطريق الي مشيته
والي معاك
كنت ابتديته
الطريق الي

مشيناه
ساعة فرح
وساعة آه
كان طريقنا
ومنتهاه
والكلام
الي في قلبي
يا حبيبي
عنك داريته
الطريق الي
مشيته
والي معاك
كنت ابتديته

الطريق

خد مني عمري

عمري وراح

والي باقي

ياحبيبي منه

آسى ونواح

مين يرجعلي

حبيبي

مين يطبيلي

الجراح

والأنين

الي ف بعادك

ياحبيبي

يوم قاسيته

الطريق الي

مشيته

والي معاك

كنت ابتديته

والكلام

الي ياما

كتير حاكيته

كل شيء

خلاص ياعمري

خلاص نسيته

جرح الأيام

الأيام جرحتي

وف بعدك

عذبتني

قد ما يوم

فرحتني

غدرت بينا

السنين

سابت ذكرى

وحنين

والحزن مالي

قلبي

بعدك

ياسيد الغالين

بعدك

الأيام جراح

يحلم الليل

بالصباح

وإن حاولت

ارجع ياعمري

صعب

يرجع الي راح

يا أغلى شيء

عشته ف حياتي

ازاي بقيت

من ذكرياتي

عائش لوحدي

حظي ووعدني

ما بين بعادك

وبين آهاتي

قد ايه

صعبة السنين

واحنا فيها

متغربين

قد ايه

عندي الحنين

للقا

ابكي ياعين

لكن خلاص

بقيت ذكري

أحلم ثاني

ازاي يا بكرة

وازاي أعيش

مع حد ثاني

ضاعت بعدك

أحلامي

أنا هنساك

وأنت انساني

وا اديني

عاش أيامي

الحياة رحلة

الحياة

رحلة صعبة

فيها آهة

فيها دمعة

الحياة دي

زي لعبة

واحنا فيها

شمس طالعة

ابكي فيها

ألف دمعة

والدموع

أنا قدت

بيها في الظلام

مئة ألف شمعة

بعتذرلك

يا حبيبي

بعتذرلك مش بايدي

يا حبيبي

أرجع وأقولك

عمرك ما كنت

في يوم حبيبي

ولا هواك

كان يوم داربي

والنصيب

فرق ما بيننا
يعني أنت
مش نصيبي
بعذر
منك حبيبي
عن سنين
أنا دويت فيها
وف الحنين
وف النهاية
جاي أقولك
كلمتين
بعذرلك
يا حبيبي

جرب مرة

جرب تعيش

نفس الإحساس

جرب وعيش

في قلوب الناس

أحلى الآهات

لما الكلام

يكون سُكات

تتكلم الشفايف

وتقول

كثير حاجات

جرب لهفة

حبيبك

وحب الي

يريدك

ما يصيبك

غير نصيبك

لو أصبح

ذكريات

روح جرب

حضر دافي

ليلة جميل

وصافي

دا العمر

يادوب ساعات



دار الزمن بينا

غير خطاوينا

خد منا ما أدانا

بكي غناوينا

دار الزمن

بيننا

خد أغلى ما لينا

آه يا زمن

قاسي

ضاعت أمانينا

ارجعلي من ثاني

حبيبي
حبك خلاني
عشقت
والعشق كواني
مش شايف
غيرك في الدنيا
حتى حبايبي
وخلاني
بعدك صعبة
الليالي
حاجة فوق
احتمالي
لو تعرف
ماجرالي

ترجع للعش

تاني

يا حبيبي

بحكي عنك

في الأغاني

كل ذكرى

جرح تاني

وأنت عايش

لسه عايش

في حنين قلبي

ومكاني

يا حبيبي

خليني أحبك

خليني أحبك

زي ما أنت

عايز

جايز حبيبي

تحس بيه

جايز

خليني أحبك

حبي

مالوش حدود

ولا تعرفوش

قلوب

مالي
كل الوجود
ولا قادر
عنه أتوب
خليني أحبك
حبيبي
وأروي بعبك
سني
حتي لومش
داربي
يحي عالشوق
حيني
حبك قدري

ونصبي

يا الي بعاذك

كاويني

خليني أحبك

حبيبي

عدي العمر وراح

يا الي أنت
كنت الهنا
وبعدت سنة
عننا
فرقنا ليه
عندنا
أشكيك
واحكي لمين
ما القلب
عاش جراحه
والليل

ما جاش صباحه

والعمر

راح وعدى

وراح ويّا الي

راحوا

وجايلى بعد

مدة

بترجعلي الحنين!

خد أحلامك

معاك

والقلب الي

هواك

دا مهما

طال نداك

القلب الي

اشترك

ضايح

معرفشي فين

حياتي

مش معاك

خلاص نسيت

هواك

ليه أستنى

لقاك

وأنت ف حبك

ضنين

ياما كنت كثير

بواعدك

وكنت كثير

بعاهدك

دا ماكانشي

حد قبلك

وهاعيش حياتي

بعدك

ما أنت الي

خنت وعدك

ازاي أبكي

في بعدك

وأعيش النار



نارين

هات ايامي

الي راحوا

رجع ل الليل

صباحه

طبب قلبي

وجراحه

وياك طول

السنين

قمر سهران

قمر سهران
في ليل أحزان
مع الحرمان
بيستني
وكنا زمان
كنا وكان
قاعدين سوا
بنتمني
كنا وكان
في الهوى
حبيبين

هنا رسمك
هنا اسمك
حبيب قاسمك
في قلب واحد
ماهوش قلبين
بيحلم ليلة
بالجنة
قمر سهران
مع الحرمان
في ليل احزان
بيستني
مكانك
صبح مهجور

وصحرا وسور

وقمر ليلي

بات مسحور

لا عاد سهرة

ولا مغنى

قمر سهران

في ليل أحزان

مع الحرمان

بيستنى

مني روجي وأفراحي

وضحكي

وفرجي ونواحي

هنا سنيني

تناديلك
تناديلي
على عيني
أنا أجيلك
يا قمر ليلى
وعلي كفوفك
أنقش الحنة
قمر سهران
في ليل أحزان
مع الحرمان
بيستنى

مَنْتَهَاش

مَنْتَهَاش

الي كان بيني

وبينك

مَنْتَهَاش

خدت أيامي

وسنيني

ليه بلاش

والي عدى

يوم في حبك

ليه ما جاش

والي

ساكن جوه قلبك

مَتَنَسَّاش

ولا انتهاز

كل يوم الشوق

يزيد

وأنت قريب

أو بعيد

وأنت ظالمي

بعنادك

وف بعادك

وأنا في الدنيا

وحيد

مَنَتَهَاش

كل الي راح
والي زودني
الجراح
والي عدى
يوم مجاش
مَتنساش
والي كان
بينك وبينى
مَنتهاس
عاش
جوايا وجواك
لا بتنسى
ولا قادر أنساك



وأنت ظالمني

وبتألمي

ولا عارف

آخرتها معاك

ومنتهاش

ولا قولنا مرة

عدى الهوى

أويوم مجاش

وبنستنى

وبنتمنى

أصل هواك

يا حبيبي ف قلبي

متنساش ... ولا انتهاش

مَتِيلاً بَيْنَا

مَاتِيلاً بَيْنَا

نَحْبُ تَانِي

أَعِيشْ زَمَانُكَ

وَتَعِيشْ زَمَانِي

وَأَشْرَبْ حَنَانُكَ

وَأَسْقِيكَ حَنَانِي

مَاتِيلاً بَيْنَا

نَنْسَى الْيَوْمَ كَانْ

وَنَعِيدُ لِيَا لِي

حُبْ زَمَانْ

وَالْيَوْمَ فَرْقْ بَيْنَا



دا كان

ماضي مش

راجع تاني

يلا نقرب

من بعضنا

والحب تاني

يضمنا

دا البعد غير

طبعنا

شوقنا نرجع

من تاني

دنيا العاشقين

في دنيا
العاشقين
هانكتب
أسامينا
من بعد
ماغبنا سنين
الحب بينادينا
راجعين
يا ضي العين
راجعين
والشوق مالينا

بدور فين

مكانك

هوه نفسه

مكاني

قلبي راجع

عشانك

يا اللي راجع

عشاني

ومهما تبعدنا

البلاد

يبقى لقانا

لحظة ميلاد

بالحب هنتعاهد

خلاص مافيش

بعاد

بالفرحة بنتواعد

عالقرب

وعالوداد

وارجع أشرب

حنانك

وأسقيك

حي

وحناني

بيسألوني

بيسألوني

رحت فين

ويّا الزمان

بيسألوني

عالي جَرَح

على الي خان

قولتلهم

ياحبيبي عليا

الحب عليا

ياحبيبي هان

قد ما أديته

الحنان

قد ما جرح

زمان

ييسألوني

عالي غاب

وازاى عشت

العذاب

كانت الأيام

ضباب

كانت الأحلام

سراب

ييسألوني

عن جراحي

أنا قلت الجرح

صاحي

سهران واصل

صباحي

والليل يشهد

نواحي

دا عيشته معاه

أماني

راح وسافر

راح وجاني

ياما كنت أسقيه

حناني

يا ما غنيت له

أغاني
وبتسألوني
ايه الحكاية
دي النهاية
والي كان
بينه وبينني
انتهى
خلصت الأحران ياعيني

اتفرقنا

اتفرقنا

خلاص يا زمان

اتفرقنا

ولا في الأمكان

نرجع تاني

زي زمان

حتى أحلامنا

كان ياما كان

اتفرقنا

وَأَلَفَ حِكَايَةَ

تَحْكِي هَوَايَا

تَحْكِي هَوَايَا

تَحْكِي بَدَايَةَ

أَوَّلَ يَوْمٍ

يَا حَبِيبِي مَعَايَا

اتْفَرَقْنَا

سَنِينَ

وَسَنِينَ

اتْفَرَقْنَا

وَبَاقِي حَنِينٍ

مَهْمَا حَاوَلْتُ

مَعَ النِّسْيَانِ

مهما خدتنا

كثير أحزان

ألقي الذكرى

ف كل مكان

صورة قديمة

لماضي زمان

أحلى زمان

عشت أنا فيه

حبيب حبيته

وهبته حياتي

ونور لياليه

هيا حكاية

حب وكانت

يا حبيبي
معاك حكايات
عشنا فيها
فرحة مادامت
واتفرقنا
بعد ساعات
ياما وياما
ساعات وأيام
كنت معايا
ف كل مكان
أتاريها
كانت أوهاام

زرعت ف قلوبنا

الأحزان

جرح ف جرح

بقت أيامي

بعد الفرح

ضاعت أحلامي

بحلم ثاني

ألقاك في زمان

يا حبيبي

ما فيهوش أحزان

بحلم ترجع

ثاني معايا

تمسح دمعي

وجرح آساي
أعيش أفراحي وأغني غنايا
أضحك ثاني من جوايا
وأنت معايا

محتويات الكتاب

5	إهداء
6	الوقت فات
8	حلمي بيكبر
11	اتواعدنا
14	اتقاسمنا
18	ياسفر خدي
21	صفحة
23	الطريق
27	ولادمعة
32	ليه حروفي
35	الأيام
41	بيبان الصمت
46	الطريق الي ابتديته
51	جرح الأيام
55	الحياة رحلة
58	جرب مرة

61	ارجع لي من تاني
63	خليني أحبك
66	عدى العمر وراح
71	قمر سهران
75	مَنتَهاش
79	مَتيلاً بينا
81	في دنيا
84	بيسألوني
88	اتفرقنا
94	محتويات الكتاب

تم بحمد الله

الوقت فات

ديوان شعر بالعامية

سامي فتحي



الطبعة الأولى

1442 هـ - 2020 م

دار ديوان العرب للنشر والتوزيع

مصر - بورسعيد

جوال: 0020121132879

E-mail: mohamedhamdy217217@gmail.com